

Zeisu Hi

CK Khai

Key of F# | 57 BPM | 4/4

Verse 1

Mi gilo te bawl siat thuak in
Sisan naisan tawh kidim in
Huh ding nei lo mipa khat lampi ah om
Siampi lian pa'n hong muh ciang in
Lam nawl tawn in hong pai san a
Levi mipa'n zong don lo in pai san hi

Verse 2

Sanggam aw lung ngai kik dih in
Sim mawh bawlsiatna te thuak in
Huh ding nei lo lampi ah na puk hun ciang
Na muan te'n hong ki muhmawh bawl
Na lamet te'n hong taisan zong
Nang hong taisan lo hong nusia lo khat om

Chorus

Tua in hong it Zeisu hi
Sun leh zan in hong kem a
Ih phawk khak loh hun ciang zong
Hong nusia lo
Lampi ah bawlsiat thuak in
Liam leh bai in ih puk ciang
Aman hong phong in
A liangko tung hong pua hi

Verse 3

Na ih mut sungkal na ngawn in
Vantung mi te'n hong cing ding a
Na khan lawh ciang zong
Na pai naang hong hilh ding
Gim in tawl in na bah hun ciang
Mu vanlai tha hong guan ding a
Dahna meipi te hong kan tan pih ding hi

Verse 4

Na-nat ciang hong dam sak ding a
Na dah ciang heh hong nem ding a
Na zawngkhal hun ciang hong tha
Khauh sak ding a
Na lungkhamna khuampi khempeuh
Lametna kongpi suak sak in
Na gal te mai-ah gualzawhna hong pia ding